


К 84Р6
М 87



И. МОШЛЯК

ХАСАН ТЫ ДОРЫН

КОМИПЕРМГИЗ 1940 КУДЫМКАР

И. МОШЛЯК
Советский Союздын Герой

ХАСАН ТЫ ДОРЫН

КОМИПЕРМГИЗ 1940 КУДЫМКАР



Советской Союзной Герой Н. Н. Мошняк.



ШТАБЫН

Вөлі шоччисян лун, 1938 годся июль 24 лун. Чеччи ме сёрөн, только өкмыс часө пукси завтракайтны Юа чайсө, а ачым сө ольпась вылам видзөтла: не узьыштны я эшө часок мымда?

Вдруг посодзас пондисө стукөтны сапоггез. Ёркөтчөны ыбсөсө. Көтөрөн пырө посыльнөй—ышкипойки, одва-одва вермө лолавны. Баитө:

— Ёрт лейтенант, тиянөс корөны штабө.

Чайсө, конечно, ме эг и юышт.

Штабө муникө ме думайти: мыйлө жө менө корөны? Кыдз бытьтө нем важнөйыс талуния лун кежө эз вөв.

Но дырсө думайтны эз ковсбы. Штабын, адзза,— полклөн командир ёрт Соленов да комиссар ёрт Бондаренко пукалөны карта дынын, думайтөны.

Командир юрсө лэбтис:

— Пуксьбө. Төдсасьбө обстановкаөн. Японецез Хасан ты району чукөртөмась ыджыт вын. Вермасө парушитны граница. Ме иньда сэтчин подразделеннө. Тиянлө кыз партийнөй бюро секретарьлө колө лоны боецезкөт. Лөсьөтчө!

— Эм!—отвечайта.

А мый сэтөн лөсьөтчыны? Миян көтькөр быдөс гогов. Тэчи чемоданө паськөм, чышкөт, бритва, матег порошок, одеяло, вывтам кышалі шинель—и готов.

Выступитны мянлө коліс рыт кежас. Кольчис кы-
нымкө час. Ме баиті коммунистгэзкөт, комсомолеццез-
көт, висьталі боеццезлө, кытшөм почётной задача пук-
төма мян часть вылө.

Положеннёе вөлі напряжённой. Быд лунө радио
вайис мянлө юөррез сы йылісь, что Европа весьтып
сукмисө грозной военной кымөррез. Германия өктөма
ассис войскоэсө чехо-словацкөй граница вылын.

Этө моментсө японеццез. решитисө используйтны.
Расчөтыс нылөн вөлі простөй: эта лэбөм шумок дырни
босьтны советскөй мулісь торок.

Правильноя баитөны мян Приморьеын: „Западын
ау горөтасө—Дальной Востокын паныт шы сетасө“.

Расчөтыс вөлі хитрөй, да самурайез¹ просчитайтчи-
сө. Кынымкө лун чулалөм бөрын ме аслам синнэзөн
казялі, кыз бергөтчис делөыс.

ТУЙЫН

Брезентовөй навессэза грузовиккез сибөтчисө ка-
зармаэз дынө. Красноармееццез перыта пуксисө по-
лөть увтын скамьяэз вылө, и машина мунліс, а сы ту-
йө сувтліс мөдік.

Ме видзөті боеццез да командиррез чужөммеэ—
спокойнойсө, увереннойсө, томөсь. „Сэтшөм морт-
тэсө,—думайті ме,—оз повзөт и оз вермы светас не-
кин“.

Висьталөм часө, кыз прикажитис полклөн коман-
дир, мян колоннаыс вөрзис туйө. Чулалисө керкуэз;
чожа кончитчис улица, и мийө петимө ыб вылө.

Любита ме асиным местаэсө! Невылын кербөсоккез—
сопкаэз, көдна вылын быдмөма дубняк, туйыс кыссьө
сопкаэз уддөрөт, кырассэз да видзез кузя. Мукөд ме-
стаэзын туруныс сы кузя, что мортыс сы пытшкын оз
и тыдав. Көр лөнь, позьө кывны, кыз ылын-ылын
ковгө, шумитө океан. Эта шумыс лөб сө матынжык и
матынжык, автомобиль моторрез озө ни вермө сийө пөд-
тыны, и туй чукыль сайын рытса пемытын вдруг осыт-

¹ Самурайез—сідз Японияын шусис көркө дворяна-воиннэзлөн сословце.

сьо пемыт океанскöй простор. Валлээ уськötчöны ска-
лаа берег вылö и чочком быг пытшкын мунöны бөр...

Бухтаын мянжös видзчисисö ни кавасакиэз—ыджыт
пуовöй пыжжез, кöдналөн бöраныс эм мотор. Мунöны
нiя жагöна, но вермöны кыскыны куимдас—нельдас
мортös. Этö черикьян судноэз, нiйөн ветлöны мореö
кыйны чери.

Грузитчим мийö асланым снаряженнён да мунимö.
Море кузя мунимö неуна, сыбöрын петимö берегö да
иньдötчимö подөн.

Мунны вöли сьöкыт. Туйыс сьöкыт—то керös паны-
тö, то керös увтö, то келöмөн нюр кузя. Осилейтисö
мошкаэз—нiя пырисö нырпыссэзö, öмö, пеллезö. Но му-
нимö мийö перыта, туй вылö норасыны некин эз и ду-
майт.

Хасан ты дорö эм мöдик туй—бур да веськыт. Но
сiя быд ладорсянь тыдалö, японецез вермисö мянжös
казявны. А военнöй делoын успех зависитö внезап-
ностьсянь. Враг не должен тöдны, кытөн мийö и кы-
тшöм мян вынным.

Мунöны боецез, чышкöны ньылöмнысö, а асьныс
баитöны:

— Ладно, эта переход понда японецез торйөн
вештiсясö.

Баитöны гусьöник. Шумитны оз туй: ордчөн граница.
И вдруг командир лэбтö ки:

— Стой!

Локтимö.

ХАСАН ТЫ ДОРЫН

Хасан береггезöдз эшö кынымкö километр. Но сэт-
чин колан кадысса одзжык мыччисьны оз туй. Местаыс,
кытчö мийö сувтчимö,—просто открытöй вудовка, соп-
ка увтас,—сiя тырöма морт мыгöрся вылынжык полы-
нён.

Колö маскируйтчыны: этö первöй задача. А мян-
кöt и вöввез и вооруженнö,—кыз этö быдös дзедан
куш местаас?

Выходсö сёдаки адззимö. Босьтим кузь гез. Кыйи-
мö сiйөн турунсö, кыз тай плетень кыйöны. Эта

плетень вевдöрын, му дынсяняс куйм метр вылынаын, нюжöтiмö эшö öтiк гез; да сы вылö бшлiмö сiдзжö турунсö. Шогмис туруновöй занавеска. Матынсяняс эшö тыдалö, а мунан кö сто оськöв ылына—некыдз он вермы висьтавны, что эта туруныс не видз вылын быдмö, а стенкаöн сулалö, йöрйöма быдса воинскöй подразделеннö.

И пондöтчис миян привычнöй лагернöй олан.

Вайöтiмö асьнымöс порядокö: миссим, весöтчим, эшö öтпырись проверитiм оружие—оз я жугав бойын винтовка, пулемёт. Озö, весöтöмöсь, мавтöмöсь красноармейскöй винтовкаэз да пулемёттэз, любöй минутаö готовöсь бой кежö.

Сувтöтiмö лажмытик походнöй палаткаэз. Поваррез, медбы тшыныс эз тыдав, ассиныс кухняэсö лöсьöтiсö мысок сайын.

Сувтöтöм чассэзö чулöтiм учебнöй занятиез, велöтiмö партиялись история. Рытнас вöлисö партийнöй да комсомольскöй собраннэз.

Видзöтны кö боксянь—лагерьын öбычнöй воинскöй часть. А былисьсö—бокись сопкаэз вылын дежуритö вына боевöй охраненнö.

Лагерь гөгөр сувтöтöмöсь дозоррез. Лунөн куш места кузя мунны оз туй. Турун коласын керöмöсь туёккез, кöдна кузя боецез мунöны мышкыртчöмөн, осторожнöя, медбы нйö эзö казялö.

А миян дынсянь кынымкö километр ылынаын пограничниккезлөн наряд охраняйтiс Заозёрнöй сопка, кöда вылö тöчитiсö пиннезнысö японскöй самурайез.

Колö тiянлö объяснитны, кыдз куйлö Хасан тыс и мыйлö японецезлö ковсис миян Заозёрнöйыс.

Посьет залив дынын советскöй мулөн медбöрья километррез кысьöны Тихöй океан берег пöлөн доль векнитик полосаөн. Эстөн—гөрöд, кытөн öтлаасьöны куйм граница: СССР-лөн, Кореялөн да Манчжуриялөн. Кореясö японецез босьтiсö важынкöдь ни, Манчжурияын нiя тожö быдса хозяиннэз. Миян территория вылын граница пöлөн доль кузь векнит полосаөн куйлö Хасан ты.

Ежели чужöмнаным сувтны тыланьö, мöд ладорас казяламö поснит дубнякөн тырöм Заозёрнöй сопкались

крут покаттэз. Заозёрной йыв кузя и муно границалон линияыс. Заозёрнойсяняс невна веськытланьын, миян ладорын—мөдік, учөтжык сопка.

Шедны ты мөд ладорас, сопкаэз дыно—абу кокнит. Ежели Хасансө кытшөвтны веськытланьсянь, то ты дор да граница коласын колө мунны кыксто метр пасьта векнит му полоса кузя. Этія туйыс японской наблюделлез понда осьтөм быдсөн—быдөс тыдалө, кыдз ки долонь вылын.

Мунан шульталаньсянь—эшө сьөкытжык. Сэтөн берег да граница коласын только сто витдас метр. Быдөс местаыс—нюрреза, кырассэза, вевтисьёма бытшка-сяна кустарникөн да чорыт нюр турунон. Зато эстөн туйө мунны потайной туёккес кузя, быдмассэзын да носнит сопкаоккес увтөт дзевсисьлөмөн, и Заозёрной дыно петны противник понда казавтөг.

Японской генераллэз төдісө, что миянлө сьөкыт лосе вайөтны ассиным войскаэсө ты мөд ладорас, медбы дорйыны захватчиккессянь Заозёрнойсө да Безымяннойсө.

А японецез понда Заозёрнойыс—чөскыт кусөчок. Эта сопка йывсянь тыдалө быдөс миян ладорыс. Ежели сопка вылас сувтөтны пушкаэз, позьө босьтны лыйлөм увтас советской территориялис ыджыт участок. Эта понда японецес мөдісө босьтны быдөс сопкасө.

Вот кытшөм планнэз вөлісө японской воякаэзлөн. Сійөн эд и мийө сулалімө лагернас эстөн, Заозёрной сопка дынсянь кынымкө километр ылынаын, Хасан ты эта ладорын,—неыджыт красноармейской часть, кода вөлі иньдөма одзлань, медбы колан моментө ответитны врагыс первой удар вылө ударөн.

ДАСӨТІК ГЕРОЙ

Кынымкө лун чулаліс напряжённой видзчисьөмын. Эз туй шуны горөн кыв, керны лишной вөрзьөтчөм. Узимө очередь сьөрти. Лагерись эгө петавлө. Враг не должен вөлі төдны сы йылісь, что мийө татөн. Мийө видзчисим.

Оддьон уна том красноармеецез ана луннэзё сетисё заявленнёез комсомолё. Боецез чувствуйтисё, что сибётчё серьёзной дело, и бойё модисё мунны комсомолецезён.

Дозоррез казялисё, что корейской деревняокын, кёда вёлі граница мёд ладорас, кыз бытьтё быдёс отирыс кулом. Кынымкё лун сёрна некин эз петавлы ыбылё. Эта баитис сы йылись, что японецез олссесёкытчёкё иньдёмась, сы понда, медбы лёсьётчыны военной действиез кежё.

Июль 29 лунёдз быдёс вёлі лонь.

Эта лунё, кыз и пыр, быд морт одз асывсянь керис-ассис дело. Обедайтимё. Кыз часёт тёдвылын, поваррез пуисё шyd и оддьон чёскыт каша. Обедайтим простёя, затеязэтёг. Вёськыта вуд вылас ольсавлим брезент. Котелок пидзёссёз коласё—и сёй на здоровье! Сёйим, юамё чай. Вдруг локтё легкой машина, сэтись петыштё пограничник.

— Подразделеннёись командирёс часёт жё корёны комендатураё.

Пограничной частьлөн комендатураыс вёлі матын.

Пограничниклис мийё нем эгё юалё, только вёськётчыштимё. Чувствуйтам: пондётчё.

Командир ветлис недыр—час нельёт тор бёрти сёя бертис и сразу сетис приказ лёсьётчыны выступайтны.

А мийё важын ни готовёсь. Вит минута бёрти вёрзётчимё местаись.

Туй кузя командирыс миянлё висьталис быдёс.

Июль 29-ёт ойё японецез асланыс территория вылын чукёртёмась пограничной войскаэзись быдса рота. Вёлі лемыт, да эшё туман лэдчисис. Миян местаэзын ойезнас сэтшём туманнэз овлоны, что ассит китё он адззы. Этён и пользуйтчисё японецез—ассиныс войскаэзысё граница дынас вайётисё казявтёг.

Асывнас „банзай“ горётломён японецез граница пыр уськётчисё миян Безымянной сопка вылё.

Сэк сопка вылас дозорын сулалисё дасётік советской пограничник, дасётік герой. А японецез вёлісё кыкстовитдас морт гёгөр. Но эзё дрёгнитё миян боецез. Шупкалисё враггесё гранатаэзён, вийлисё винтовкаэзись.

Японцецез вешшисё, сибётчисё матёжык и матёжык. Лыйсыны эз ни понды туйны. Пондётчисе рукопашной бой. Пессисё мяниссее штыккёзён, прикладдэзён. И только сэк, көр мян пограничниккёзись витыс вёлисё вийёмось, а мукөд кватыс вёлисё ранитёмось, японцецезлө удайтчисе недыр жежө босьтны Безымяннойсё.

Кызд только Безымянной вылын пондис кывны лыйсьём, мян пограничной часттез сэк жө сэтчин чапкисё подкрепленне и, сесся, корисё мянөс.

Колисе мунны кынымкө километр. Боецез котөртисё,—ме, вёлөн верзьёмөн, невна только нийө одзалі. Но көр мийө сибётчим Безымянной дынас, быдөс вөлі кончитёма ни. Пограничной часттез эшө одзжык ештисё гранатаэзён да штыккёзён вашөтны захватчиккесё.

Ме казялі сопка покат вылын өтікө вийём японцецезись. Съокыт солдатской ботинкаэз вёлисё чапкёмось сы пельпон вевдөрөт, а коккёзас—кокнит туфлиэз, медбы кокнитжык вөлі котрасьны.

Эзө отсалө самурайлө туфлиэз—эз пышшы.

И быдыскөт лоас сидз, кин оружиеөн оськөвтас советской му вылө.

ГРАНИЦА

Өні мийө сулалім Советской Союз самбй граница вылын.

Ежели татчө первуись шедас морт, сія дзаркерыштас да паськөтас киэсө: „Кытөн жө границаыс?“—И нем оз казяв.

Сизим год ни кызд чулаліс, көр ме муні Дальней Востокө, старайтчи төдны граница йылісь. Ме думайти: нюжөтёма бытшкасян проволока, сувтөтөмось пограничной столббез, японской жандарммез сулалөны граница пөлөнныс чуть ли не шеренгаён.

Локти, видзөта—нем абу: не столббез, не проволока, не жандарммез. Обыкновенной му, турун, юккёз, сопкаэз, вөрөккёз. А границаыс—только командирлөн полевой сумкаын, карта вылын, рисуйтёма чёткой линияён. Но люббй пограничник точнөя мыччалас тиянлө, кыти муно границаыс: то эта көчка кузя, сія ту-

рунок кусток дынот, сыборын шорок шорот чукульт-чомодзис, а сэтчинсянь—ыджыт руд из мод ладорот и кык метрон матынжык кырасся, кодө миськалис тулысса зэр.

И петө, что карта вылын эта линияыс изовей стенася крепытжык. Не морт, не зверь озө муно казавтөг. Буди кай лэбзяе, да и то не пыр.

Хасан ты районсө ме тода 1934 годсянь, тода быд кустоксө. Видзөти өтмөдөрө: то японской ладорын вызывтө паськыт ю Тумень-Ула; одзлань бөра равнина, вөрок.

Ылын горизонт вылас тыдалө көрттуй. Некутөн өтик ловья японец оз тыдав—дзевсисисө кытчөкө, гыжъялөны вартлом местаэзнысө. Вөвли спокойной кадө адззылан: кукурузной ыб вылын уджалөны летсьом паськөма кореецез, гөрөны пуовой гөрөн. Мукөд кадас гөрас додьялөмөсь воллэз, а часто и асьныс морттэс. Помещик ветлөтө бедьон; сувтчыштае крестьянин шоччисьны, помещик сырйө сийө спина кузяс...

Сэтшөм картинаэсө мийө одзжык адззылимө часто. А сэтөн өтик морт оз тыдав. Кругом лөнь, шы абу. Дыр жежө я эта?

Граница вылын лөньыс—подозрительной.

Мийө сувтөтимө секреттэз (сид миян шусьоны маскируйтөм наблюдательной посттэз) да водимө сопка покат вылын. Огө узьө. Винтовкаэз, пулемөттэз зарядитөмөсь, киэзись огө лэдзө оружие. Сибөтчис рыт. Небоын мыччисисө звездаэз, сопка весьтын лэдчисис пемыт ой. Лөнь. А асывланьө сукмис сьөкыт чочком туман. Куйлам. Боецесө жмитө вазьом кодзыт; он петө. Но некин эз кунь синнэсө. Видзчисим—быд минутаө японецез вермасө туман пыр вились мунны атакаө.

Секретын байтны оз туй. Но ме тода, мый йылись думайтисө эта узытөм, томительной ойө менам өрттэзө. И аслам думаэз сьөрти тода, и мекөт ордчөн куйлись боецез кымөртчөм, кызз бытьтө изсялөм чужөм-мез сьөрти, и гусьон байтөм сьөрти, кода мукөд кадае кылис кин-нибудь пиннез коласөт: „Только сибөтчө, гаддэз...“



Мийӧ сувтӧтім секреттэз и водимӧ сонка покат вылӧ.

Думайтім сы йылись, медбы достойнӧя пантавны да уничтожитны враггесӧ. Думайтімӧ мян бӧрын куйлан роднӧй страна йылись, кӧдӧ мийӧ долженӧсь дорйыны славаӧн. Думайтім великӧй вождь—любимӧй

Сталин йылісь—и чувствуйтїм, что сїя эна минутаэзö тожö думайтö мян йылісь.

Туман пондїс почамны да лысваөн пуксыны винтовкаэз кöдзыт дулоэз вылö. Югдїс. Бöрок весьтын мыччисис ыджыт розовöйкодь шондї.

Эта ойö самурайез мян дынö сїдз эзö и сибöтчö. Тыдалö, бура нылö шедїс пограничниккезсянь; не сразу садясисö.

Сопка вылісь мийö эгö мунö. Кузьлун дежуритїм. Бöра сибöтчис рыт. Туманыс вöлі эшö сукжык. Ты дынсянь, ю дынсянь сїя лэбтїсис почти сопка йылöдз. Пемдїс. Чулалїс час, мöдїк, куимöт...

И вдруг—винтовкаись лыйöм.

НЁЛЬ АТАКА

Ме снайпер, вöлі снайперскöй командаись начальникөн и велöтї неетша öддöн меткöй стрелоккезöс. Снайперскöй делоын важнöйöсь не только син да ки. Только сїя снайпер тыртае ассис задачасö да кольччас ловья ачыс, кöдалөн нерввез кöртовöйöсь. Ас йывсим верма, ошпасьтöг, висьтавны, что ме мортыс спокойнöй.

Но сэтөн и менö чуть местасим эз летышт, медбы уськötчыны винтовкаөн одзлань паныт сылö, кин лыйліс. Одва ме видзси.

Первöй лыйöм бöрын кыліс мöдпырся, куимöтпырся, нельöтпырся. Сыбöрын—сярötöm, кыз бытьтö вурсян машина пондїс стрöчитны: пулемётнöй очередь.

Этö мийö кывзімö спокойнöя ни. Вежöртімö, мыйын делос: японецез думайтисö, что мийö сетамö нылö ответсö тожö лыйсьöмөн и этасянь нїя казясасö, кытөнöсь мийö.

Японскöй провокацияыс эз лöсяв. Миян ладорсянь эз кыв öтїк лыйöм.

Сэк нїя решитисö мунны веськыта, повтöг.

Ылісянь мийö кылімö бöб горötлöммез да тапötöm. Куйлам, шы огö сетö. Тапötöмыс кылö матынжык, позьö вежöртны японецезлісь уннїлöм: „Банзай!“

Лэдзімö мийö нїйö матöжык. Сэтөн миян командирным лэдзис световöй ракета. Ракетаыс лэбзис вы-

лына, кыздз учотик звездаок, сыбёрын ёзыйштіе да жагвыв пондіе лэдзчысьны улё, ыджыткодъ пространство аснас югдотомён. И кыліе команда:

— Би!

Вот сэк вёлись и гымыштіе залпpezён советскёй винтовкаэз. Лыйсимё бёрысьёмён, меткёя. Сопка покат вылісь тарёвтчысё вийём японецез, а ловьяэз сёдаки кайисё одзлань...

Кайисё недыр.

Эзё вермё японецес видзсыны мяян би шогья, котёртісё бёр.

Бёра куйлам да видзчысям. Адззылім мийё—враггес унаён. И эта не пограничнёй жандармскёй отряд, а настоящёй армейскёй часть, кода вооружитёма ёддён уна пулемёттэзён да миномёттэзён. Сёронжык ния лэдзисё ходё и артиллерия.

Мийё тодім, что японецез бертасё.

И былъ, кыкдас минута бёрті бёра кылісё бёб горётломмес: „Банзай!“

Да кытчё ни сэтчин „банзай!“ Не только одзлань мунны—и бёр не быдённыслё удайтчис мунны. Захватчиккез кузя мяян боецез лыйлісё винтовкаэзисё и пулемёттэзисё, повтёг сибётлісё матёжык и лыйлісё матісянь.

Комсомолец Бабушкин сё баитіе аслае ручнёй пулемёткёт. Лэдзас очередь, грёзитыштае пулемётыслё чуньнае: „Но-но, бокё эн лый!“ и бёра метитчё. И былъ, Бабушкин кнэзын пулемётыс бокё эз лый, сія ытшкис японецесё. Повтём пулемётчыкыс вёлі кыкысь ранитём, но битва ыб вылісь эз мун. Только кёр сыкёт ордчён потіе японскёй граната, осколоккезён ранитём Бабушкин янеётчис аслае оружиеён.

Вашётімё нийё и мёдік атака коста. Недырмыйисё японецез куимётпырся уськётчысё мяян сопка вылё. Ния вёлісё унаён,— витісь-кватісь унажык, нежелі мийё. Тыдалё, японскёй генераллэз, жалейттёг, иньдёны асиные солдаттэсё биё.

Жестокёй, кузь вёлі схваткаыс. Не только ружейнёй да пулемётнёй биён, но и штыккезён панталімё мийё японецесё.

Младшый лейтенант Бакулин куимись нуётліе ас-сис взводсё атакао и чапкыліе японецесё бөрлань: озё вермё ния видзсыны штыковой удар коста — полёны.

Нельётпырся ёрт Бакулин уськётчисе неприятельыс вылё взвод одзас, но сэтён уськётисе сійё вражеской пуля. Сія вёлі ранитёма моросас. Чепёссис вир и кётётисе сыліс комсомольской билетсё, кода куйліе гимнастёрка карманас; мортысё оштисе вирсё, эз вёв выныс лэбтисыны, но не охота вёлі мунны бой ыб выліс.

Политрук лейтенант Долгов нуётисе атакао ротасё то кытшом кыввезён:

— Сталин понда! Родина понда!

— Сталин понда! — пондисе гымавны сопка весьтын, и бытьтё быд мортыслён содисе виль выныс. Мийё уськётчимё бойё — и вились репётимё врагсё.

Японской командованнёыс, тыдалё, решитисе мыйё бы эз сувт босьтны миянліс сопкаесё. Пондётчисе нельёт атака. Японецезлён унатысячаа отряд мунис Заозёрной да Безымянной вылё. Пегисе сидз, что быд красноармеец вылё усьё не отік дас японецён. Миян командованнё сетисе приказ мунны матісьжык вылына вылё, медбы сетны боецезлё шоччисыны да видзчисыны миян главной выннэзліс локтёмсё.

Донён донзис японецезлё Заозёрной вылына вылын недырик тальсян удовольствиеныс. Ния оштисё вийёммезён оддьён уна солдаттэзёс.

Японецез оддьён любитоны ошпасыны асланыс „самурайской“ неполёмён... Кысянь сия босьтсё, ме тоді эта жё ойё. Вийём японецез йиэз вылын ошалисё фляжкаэз. Ме отікё босьті, осьті, нюкайті — нырам вачкис „самурайской дук“.

Этё вёлі вина.

Японецез ветлёны атакао коддэзён. Сійён эд и ния сы бура ряксёны. Но, кыз тыдалё, храбростьсё винаыс нылё сёдаки оз содты.

ПУЛЕМЁТНОЙ ВЫЛЫН

Японецез пондисё хозяйничайтны Заозёрной да Безымянной сопкаэз вылын. Быд куст сайын сувтётисё

пулемёттэз, быд гёпокын—орудиеэз. Гарйисё окопез, быдсё каттисё бытшкасян проволокаон. И матисьжык сопкаэз вылын, граница асланыс ладорёт, сувтётисё пулемёттэз.

Видзётны кө—лөсьётисё несибётчана крепость, некыдз ны дынё оз туй локны!

Быдсё местностьсё японецез видзисё обстрел увын. Нылён быд батареяыс лыйлис определённой участка кузя, сідз что сибётчыны некысянь эз позь.

Эта кадё мянлө отсавны сибётчисё виль часттез. Вөлі приказ: август 2 лунё мунны атакаө.

Август 2 ойё корис менё ас дынас полклён командир.

— Тэ, ёрт Мошляк, местностьсё тёдан. Босьт подразделеннё, мун разведкаө. Колё тёдны туй да кытён противниклөн огневой точкаэз¹.

Муним мийё разведкаө. Одзас взводлөн командир Свириденко да ме, мян сёрын боецез. Сёраным босьтимё не только винтовкаэз да гранатаэз, но и сёкыт станковёй пулемёттэз.

Ойыс вөлі югыт, төліся. Куш места кузя мунны оз позь—казяласё. Мийё кежимё тыэз коласись өтик ты дынё да пондимё мунны веськыта ва кузя, берегдорся зыбуннэз кузя. Ме көть сапоггезсё чапки, а мукёдыс мунисё сапоггезён, пидзёсви келисё нять пытшкөт. Öти-мөділаын ковсис мунны кыссьёмөн.

Локтим мийё сія местаөдз, көдө одзжык висьталіс командир. Водим, видзётчимё, ыстим командирлө донесеннё. Мян сёрын недырмыйись пондисё мунны быдсё мукөд подразделеннёэз. Пондим лөсьётчыны ой кежө. Вөввезён вайисё ужун.

Меным өддьөн охота вөлі узыны. Медбөрря куим лунё ме узылі кыкись-куимись өтик часөн, не унажык—лунён, бойез коласын случайной передышкаэз коста. Но öні узыём йылис нем вөлі и думайтны. Байта боецезлө:

— Эдө вунөтө картина „Чапаев“? Сэтчин тожө иньдисё морттэсё секретө, а ния ланьтисё. Эдө вунөтө, мыйён этия кончитчис?

¹ О г н е в о й т о ч к а—батарея, пулемётной нето снайперской поз.

А аслам синодзам быдӧс кывтӧ.

Асылӧдз быдӧс вӧлі спокойнӧй. Югдан дорас полклӧн командир сетіс приказ: лӧсьӧтчыны наступленнӧ кежӧ Пулемӧтнӧй сопка вылӧ.

Сопкалӧ этӧ нимсӧ мийӧ сетімӧ бой коста ни. Сопкаыс вӧлі омӧн вевттьӧма японскӧй пулемӧттӧзӧн. Кӧрнӧя быдӧнныс ӧтдруг пондӧтчисӧ лыйсыны, кажитчис, что сопкаыс вӧрӧтчӧ.

Медбы Заозӧрнӧй дынӧ сибӧтчыны шульга ладорсянь, коліс медодз тшӧктыны чӧвны энӧ пулемӧттӧсӧ.

Японецез мӧдісӧ хитритны, керны сійӧ жӧ, мый мийӧ керимӧ ныкӧт июль 31 ой панытӧ: сибӧтны матӧжык да лыйлыны матісянь. Нӧя осьтісӧ би, кӧр мийӧ. Пулемӧтнӧй дынсяняс вӧлімӧ только нӧльсто метрбылынаын ни. Но, тыдалӧ, миян боецез да командиррез не весь Краснӧй армияс велӧтӧны боевӧй подготавкасӧ. Быдӧс японскӧй пуляӧз лӧбзисӧ бокӧ. Тӧдатӧ, мыля?

Пулемӧтнӧй сопка весьтын мийӧ занимайтім неыджыт вылына. Миян коласын да Пулемӧтнӧй коласын вӧлі пыдын гӧп. Медбы пондӧтны штурмсӧ, коліс ассиным выннимӧс ӧктыны эта гӧпын.

Асланым вылына вылын мийӧ сувтӧтім пулемӧттӧз да повдім лыйлыны японскӧй поззӧз кузя. Японецезлӧ ковсис миян пулемӧттӧз кузя ответитны биӧн. А мийӧ эта кадӧ гӧпас ӧктімӧ ассиным часттесӧ, чукӧртімӧ штурм понда вын. Мийӧ кольччим ловьяӧзӧн, сійӧн что пуляӧз миян юррез вевдӧрын лӧбзисӧ вылына: японецез ассиныс главнӧй вниманнӧнысӧ иньдӧтісӧ миян пулемӧтчиккез вылӧ, кӧдна босьтісӧ вылынасӧ.

Полклӧн командир сеталис штурм одзын медбӧрья распоряженнӧз. Вдруг сы дынӧ локтӧ столовӧйӧн заведующӧй, старшина Рыжков.

— Разрешит, ӧрт майор, участвуйтны бойын.

Рыжковлӧ бойӧ мунны не обязательно, сылӧн делыс—вердны отирӧс. Но кызд позьӧ откажитны мортыслӧ сӧтшӧм просьбаас? Командир разрешитіс. Босьтіс миян Рыжковым ручнӧй пулемӧт, бӧрйис аслыс отсалісьбӧс, кӧда дисккесӧ ваялӧ, да иньдӧтчис миянкӧт.



Пулемётной солка позда бойын уна отличитчисё брѣцез
да командирез.

Ме вунöтi ни, кин первöйыс горöтiс:
— Сталин понда! Сталинскöй Конституция понда!

2. Хасан ты дорын.

Этö жö горöтисö быдöс боецез.

Мийö покат кузя кайимö рознитчöмөн, муніканым лыйсим. Водлім, лыйсимö прикрытиез сайсянь и бöра уськötчылімö одзлань, самурайесö öтмöдöрсянь кытшöвтöмөн. И медбöрын сибötчимö японскöй укреплөннöй точказöдз, кытөн вöлісö пулемётчиккез.

Кыз казялісö японецез, что делос локтис штыккесöдз, чапкисö быдöс, пондисö котöртны, тарöвтчыны Пулемётнöй вылісь.

Колö висьтавны веськыта: самурайез котрасьöны перыта. Кöр ния пышшöны, нийö вöтны сьöкыт. Но мийö ны сьöрын эгö вöтчö, эгö увлекайтчö вöтчöмвас. Ассиным задачанымöс тыртим: Пулемётнöй вöлі босьтöм.

Пулемётнöй сопка понда бойын уна отличитчисö боецез да командирез.

Мирнöй обетановкаын мукöд мортсö тöдан не сразу—кытчö сія туйö. А бойын быд морт мыччалö асис настоящöй качествоз. Мымда скромнöй, рамыник морттэз эна часезö мыччалисö доблесть, отвага да хладнокровие! Босьтны кöть бы сийö жö Рыжковсö. Бой коста пуляыс инмис сы пулемётö, оружиесö петкötис стройись. Сія сэк жö раненöйез коласись öтиклісь кватитис винтовкасö да котöртис одзлань.

Уськötла öни тöдвылö быдöс боецесö и ог вермы висьтавны öтикö, кöда бы враг чужöм одзын повзие нето öшис.

Бойын полöмыс—медопаснöй. Полісьыс кулö медодз. Позьö сорасьны, шедны сьöкыт положеннö—быдöс эта абу эшö страшнöй. А повзин кö—конец.

Отделеннөись командирöс Захаровсö полкын быдөнныс бура любитисö. Сія вöлі миян медбур комсомольскöй группайсь комсоргөн. Весёв, перыт, крепыт зонка. Кöр мийö пондим мунны Пулемётнöй вылö, сія первöйез коласись öтикөн уськötчис одзлань. Йи вылын и киззын сылөн вöлісö кыкьямыс граната гөгöр; японецез сы гөгöр сідз и лэбзисö воздухö.

Сопка йыв дынын Захаровыс аслас отделеннөин писькötчис одзлань. Видзötö—кругом японецез, гөгöртöны нийö. Гөгöртöмсис петны оз туй.

Захаров эз օш, эз повзвы. Сэжжօ сетіс боеццезлօ приказ водны турунас օтамօд дынօ спинаэзօн, и винтовкаэзісь да ручнօй пулемѳтіс օсытіс би. Отделеннѳе асьсօ гօгօртіс биа кольцօн. Японеццез пессисօ, пессисօ—некыз эзօ вермօ сы дынօ сибօтчыны. Захаровыс видзсис сэтчօдз, кытчօдз сылօ отсавны эз локтօ мян часттез. Опасностис сія петіс вօрзѳттօмօн.

СНАЙПЕРРЕЗ

Пулемѳтнօйсօ мийօ бօсытм. օні коліс лօсьѳтчыны одзланѳ вешшօм понда.

Японскօй орудие лыйліс мянօс Заозѳрнօйсянь. Тумень-Ула ю ладорсянь японеццез сувтօтісօ бура маскируйтօм станковօй пулемѳттэз. Эна пулемѳттэзлօн биыс мешайтіс мянлօ сопка вылын правльнօй сувтօтны ассиным вынвымօс.

— Мийօ нылісь горшнысօ часօт тупкалам,—висьталіс лейтенант Евдокимов.

Сія дас боецкօт бօсытіс нѳль пулемѳт да казавтօг сувтօтіс нийօ куштэзын, учօтик мысок сайын: кыксօ иньдօтіс Заозѳрнօй вылօ, кыксօ—ю дорын пулемѳтнօй поз вылօ. И сідз бытшօма лыйсис, что օддѳон чожа дугдісօ лыйсьыны японскօй пушка и пулемѳттэз. Только казяс Евдокимов, что пушка дынас сибօтчօны японскօй артиллеристтэз, сія сетօ очередь. Японеццез пышшօны, дзѳбсисѳоны. Сыбօрын бօра. Сідз пушкаыс сулаліс уджтօг—евдокимовскօй снайперрез-пулемѳтчиккез эзօ лэдзօ сы дынօ օтік японскօй солдатօс. Мийօ вермим эта кадօ бытшօмика лօсьѳтчыны. Сѳрօнжык Евдокимовлօн пулемѳттэс бытшօма отсалісօ мян наступленнѳлօ.

Эта лунօ мыччалісօ сідзжօ асьнысօ снайперрез Корнеев да Русских. Зонкаэз нія крепытօсь, хладнокровнօйօсь, решительнօйօсь, находчивօйօсь.

Ме байті ни сы йылісь, кытшօмօсь долженօсь лоны снайперлօн нерввес. Но эта етша сы понда, медбы лоны свѳрхметкօй лыйсисѳон. Бойын снайперрез эд дейстувйтօны не массаэзօн, не подразделеннѳэзօн, а օтікօн, быд морт ачыс օтнас. Снайперлօ сетօны, например,

сэтшөм заданнэ: нырыштны противниклесь огнево́й точка. Висьталам, кытөн-нибудь пукалө вражеско́й снайпер нето пулемётчик нето сувтөтөма маскируйтөм орудие. Эта точкаись противник нуөтө би, лыйлө. Снайпер должен тшөктыны этийө точкасө чөвны. Сэ-төн, бояс, некөр ни юасыны командирыслесь, мыйсянь пондөтчыны тыртны заданнэсө. Колө думайтны аслыт, и чожажыка. Снайперлө колө велааны лыддыны кад-сө не чассэзөн и не минутаэзөн, а секундаэзөн да секунда доляэзөн. Колө сразу дзебсисьены нето гарйисьны, медбы му вевдөрас тэнат и дукыт эз вөв. Только мед винтовкалөн стволыс небурика тыдаліс куст пытшкись нето турун пучёк увтсис.

Снайперско́й винтовкаыс—тожө не простөй тор. Снайпер видзөтө оптическо́й прицелө—подзорно́й трубаө, кода лөсьөтөма винтовка затвор весьтас. Эта трубаө ылісь предметтэз кажитчөны матын и ятно́йөсь.

Снайпер должен метитчыны, лыддыны төвлісь вын-сө да направленнэсө и эшө уна быдкөдь обстоятель-ствоэз, кодна влияйтөны пуля лэбзьөм вылө, и курок-сө должен лэдзны плавнөя.

А ния секундаэз коста, кодна тиянлө ковсисө сы понда, медбы лыддьөтны лыйөм йылісь эстөн гижөм-сө, снайпер должен лыйны не өтпырись, а унаись. Сия лыйө вештасись, котөртісь, маскируйтчөм противник-кез кузя, ны командиррез да наблюдателлез кузя, вражеско́й танккез башняэзын пулемётно́й осьтаэз кузя, муувтєя укрепленнээзын дзебсисьөм вражеско́й снай-перрез да пулемётчиккез кузя. А асьсө снайперлө оз туй мыччавны некытшөм движеннээзөн. Ежели неос-торожнөя вөрзьөтчан, нето тыдалөмөн таяян турун, нето ежели пемдандорас югйөвтчыштас тэнат винтов-каись быыс—сэк өшис тэнат юрыт. Тыртасө тэнө снаряддэзөн врагтез, тыртасө свинцово́й шерөн, и—тэ ээся абу.

Лоны снайперөн—опасно́й, но славно́й дело. Сийөн эд и японецез өддьөн полисө миян сверхметко́й лый-сиссезісь!

Корнеев да Русских—этө миян „зубррез“, бывало́й, опытно́й боецез. Велөтчисө ния менам снайперско́й

командаын, лоисё отличной лыйсиссезён. Кёр Красной армияын служитан срокыс нылён кончитчис, ния кольччисё сверхерочной вылө—неохота лоис мунны родной полкисис.

Луннас август 3 лунё куйлимё мийё ныкёт Пулемётной сопка покат вылын. Лыйсисё. Отік японской пушка оддён мянёс лөготіс: маскируйтчёма бура, метитчёма и лыйліс.

Аслам снайперрезлө сеті ме заданнё: адззыны пушкасё да петкötны стройсис лыйсиссесё. Кыкнан друг водісё асланыс прицеллэз бердө—куйлöны, чёлöны.

Чулаліс минута. Сыбöрын öтдруг—луйсё кыкись. Кынымкё секунда бöрын—эшö кыкись. Кывзися—японской пушкаыс лыйсыны дугдіс.

Минута бöрті мян снайперрез казялісё—мян дынсянь нельсто метр ылынаын турун коласöt кыссьöны сьöрсён-бöрсён квать японец. Тыдалö, мөдöны пырны мян тылө. Корнеев да Русских сэк жö иньдötісö винтовкаэзнысö ныланьö. Адзза, квать японецись кыкыс—одзисыс да бöрланысыс—усьöны. Мукöд нель японцыс öшисё, озö вежöртö, кысянь опасностьыс, кöдөрö котöртны—одзлань али бöрлань. Вились лыйсё кыкись—усисё мөдік да витöt японец. А секунда бöрті и медбöрья кыкыс эз лөö.

Быд враг вылө öтік патронён—унажыксё настоящей снайперлө видзны оз позь.

Эна кык „зубррезся“ не умöльжыка лыйліс японецесё снайпер Крюков. Бойын сійö бура ранитісö, но тылө мунны откажитчис. Керис аслыс перевязка и лыйліс одзлань. Бой ыб вылісь сія муніс медбöрын.

Японской снайперрезлө, мяниссезся, вöлі умöльжык. То ли нылөн сноровканыс эз тырмы, то ли мян гöрд боеццезлөн сія вöлі унаöv—обьяснитны ог вермы. Но эг вунöt сэтшöм случай, кöда шогмис Пулемётнойсö босьтöм бöрын кынымкё лун бöрті.

Казялім мийё, что кытöнкö дзесисьёма японской снайпер. Младшой командирлө комсомолец Мичуговлө вöлі сетёма заданнё: адззыны этö снайперсё да уничтожитны.

— Эм адззыны да уничтожитны японскöй снайперöс!—видзис ответсö Мичугов, ачыс кайис вылынжык местаö, кысянь буржык вöли наблюдайтны.

Мичугов внимательнöя видзöтö бинокльö, видзöтö быд кöчкасö. Вдруг адззö—кытöнкö ыб вылын секунда часть кежö лэбтисис кокнитик бус, турун кузя векнитик визёкөн мыйкö лэбзыштис. Кысянь эта? Японецезлөн линияыс эта места дынись куйлö кыкто метр ылынаын. Быдлаын ыб, турун. Сидзкö, сэтчин пукалö снайпер, кöдö ыстисö фронт линия одзö. Мичугов орöтчытöг видзöтис наметитöм точка сёрын. То бöра мелькнитис визёк. Сидз и вöлöма—этö тöвсяняс, кöдö лэбтис лэбзян пуляыс, нёкрасьö туруныс.

Мичугов йи бердас кышалис кынымкö граната да пондис кыссыны.

Ыджыт тревогаөн видзöтимö мийö сы сёрын. Нем абу опаснöйжык сысса, кызд сибöтчыны секретын пукалис снайпер дынö, да эшö сэтшöм куш местность кузя, дженыта быдмöм турунöт.

Но Мичугов кыссис думайтöмөн, кужöмөн. Кыссыны му кузя тожö эд колö кужны. Перво жагöник чапкиссё öт кыс, сыбöрын мöдыс, сэсса öт кокыс, сыбöрын мöд кокыс, медбöрын чапкиссё тушаыс. Öтк оськöv керöм. Сидзжö нетэрмасьöмөн пондöны керны мöдик оськöv. Юр лэбтыны оз туй, мусö гарьян нырөн и направленнё унажыксö тöдан чутьёөн да соображеннёөн.

Мичугов сидз кыссис куимсто метр гөгөр. Сия решитис снайперсö босьтны ловйөн. Вот снайпер ямаöдз кольччис кынымкö оськöv. Эшö öтпырись, кыкись Мичугов кыссыштис—и кутыштис кинас японец винтовкалис стволсö. Снайпер лыйис, но неудачнöя—Мичуговсö ранитис только ки долоняс.

А мян комсомолец Мичугов кызд сöгыштас японцыс юр кузя гранатаөн—и кончитис.

Японскöй снайперскöй винтовкасö Мичуговые босьтис сёрас да эшö видзöтыштис ямасö, кытөн пукалис снайперыс. Яма вöли керöма аккуратнöя, бойницаыс керöма векнитик щельөн. Яма пыдöсын вöлисö продуктэз, ва да вина запас. Тыдалö, самурайыс эстөн лöсьöтчöма овны дыркодь.

Бөр туйсö славной комсомолец Мичугов локтис то-
жö кыссьöмөн, осторожной. Видзöти ме вайöм япон-
ской винтовкасö. Винтовкаыс вöли, кыз баитöны, „не
глянец“. Миян советской винтовкаыс буржык—луйö
верной да надёжной.

КОММУНИСТТЭЗ

Кык лун миян вöли передышка. Миян командован-
нёыс öктис вын решающей удар понда.

Этö кадсö мийö используйтим шоччисьöм понда да
виль бойез кежö лöсьöтчöм понда.

Август 5 лунö керöс увтын нёпын вöли партийной
собрание. Японецез лыйсисö, снаряждэз чуть да и
уöтыштлисö миян весьтын нёбоас. Но нельки медтом
боецез эзö ни иньдöтö ны вылö вниманнёнысö: ния
велалисö ни лыйсьöм дынас, дугдисö „копрасьны“—
мышкыртчыны пуляэз увтын.

Асланыс собрание вылын коммунисттэз обсуждай-
тисö важнейшой вопрос.

Вöли получитöма приказ: август 7-öt ойö босьтны
Заозёрной вылына.

Эта приказлись значеннёсö должен вöли вежöртны
частыын быд коммунист, быд комсомолец, быд беспар-
тийной боец. Эта вöли партиалөн заданне, правитель-
стволөн заданне, стосизимдасмиллионной советской
народлөн заданне.

Кин выступайтис—баитис дженыта. Вообще Красной
армияын öддён кузь речес абу почётын, а сыным
öддёнжык боевой обстановканын.

Комиссар, полклөн командир, дивизиялөн командир
чёткöя объяснитисö, мый колö керны сы понда, мед-
бы тыртны задачасö. Эта собрание вылын коммунист-
тэз решитисö: миян частыслö колö первойöн тальчыны
Заозёрной сопка вылö и сы йыв вылын лэбтыны гöрд
флаг, социалистической роинались священной флаг.

Сэтөн жö пондöтчис соровованне: миян частись
кытшöм рота нето взвод завоюйтасö право сопка вы-
лын сувтöтны флаг.

Рыт кежö подразделеннёэзлөн быдöс командиррез
босьталисö гöрд флаггез. Быдыс пессис лоны первойөн.

Сія жё собраннё вылын сулаліс партия ряддэб примитом йылісь вопрос.

Кынымкё лун съорна менам полевой сумкаын оксис боеццезсянь да командиррезсянь куимдас заявленнё. Эна заявленнёэз вöлісö гижомось тэрмасьомон, бумага тороккес вылын, кык атака коласын перерыв коста. Морттэз корисö нійö примитны большевистской партияö.

Эна ёрттэз йылісь унасö байтны эз ков. Нія мунисö боевой проверка. Противник би увтын, оланнысö жалейттөг, ния мыччалісö ассиныс преданность Ленин—Сталин великой знамялö.

Комсомолец Глотов командуитіс взводон. Август 2 луно Пулемётной солкасö сія босьтис шульгаланись фланг вывсянь. Взвод одзын сія мунис повтөг, кызд настоящей большевик, и японской самурайесö тыртліс гранатаэзон. Эта мортлөн вöлі ыджыт отвага да преданность.

Мийö Глотовсö примитім партияö.

И сэтшöммез, кызд Глотов, вöлісö уна. Бойез коста мян партийной организацияыс эз чин, а содіс. Комсомолö эна луннэзö пырисö полкисе почти быдöс том боеццес.

Старшой лейтенант Змеев эз ешты собраннёдззас сетны партияö примитом йылісь заявленнёсö. Сія сетіс меным заявленнёсö мөд лунас ни, Заозёрнойсö самой штурмуйтөм одзын.

Дзар керан да Змеевыс етша тöдчана морт. Мыгөрнае учотик, байтö жагвыв, сдержанной. Сетö меным заявленнёсö и байтö жагөник, орөтлөмөн:

— Бойö мөда мунны коммунистөн. Виясö кö, лыдльö коммунистөн.

— Пондам лыддыны тэнö коммунистөн, ёрт Змеев,— ответиті ме.

Жмитыштім мийö öтамөднымлö киэзнымöс и рознитчимö асланым местаэзö.

ЛÖСЬÖТЧÖМ

Штурм одзын ойыс чулаліс спокойнöя. Боеццезлөн кытшöмкö часть сулаліс боевой охраненнёын—наблюдательной посттэз вылын. Но мукöдыс тожö эзö узьö.

Окопpezын да веськыта турун вылын киэзсиныс оружиесö лэдзлытöг пукалисö красноармеецез да командиррез. Ойся чассез чулалисö жагöна.

Асылыс пондöтчис орудийнöй лыйöм гымалöмөн. Югдис ни, сопкаез вывсынь долинаö усисö кузьтыдалана вуджöррез.

Заозёрнöй йыв весьтын невылына лэбтисис сьöд кымöрок и минута бöрти усис улö. Этö потис снаряд. Миян артиллерия лöсьöтчис атака кежö.

Бинокльö ме казяли, кыз японскöй окопpez да батареяз дынын потласьöны снаряддэз. Лэбзыштас му кымöрок, а тшöтш ськöt орудиелөн колесо нето пулемёт.

Японецез пондисö волнуйтчыны, котрасьны, лыйсьыны. Но миян снаряддэз Заозёрнöй йыв кузя водлисö сё тшöкжыка, миян дынöдз вовлылис разрыввезлөн говк.

Эта асылö миян артиллеристтэз мыччалисö лыйсьöмын класс. Ния точнöя наметитöм целлез кузя нуötисö ураганнöй би. Кажитчö, öтик снаряд эз öш весь.

Артиллеристтэзлөн командир старшöй лейтенант Моисеев адззис японскöй „поз“, боеприпасезöн склад. Снаряднас инмис сэтчö веськыта. Нетшкöвтчисö, лэбтисисö воздухö японскöй гранатаез, взрывсяняс быдса пушка вöли чапкöма кынымкö метр вылына, и тыдалö, умоль вöли самурайезлö асланыс пороховöй складсянь.

Кольчöм японецез уськötчисö котöртны. Моисеев преследуйтис нийö меткöй шрапнельнöй биөн, кытчöдз эз уничтожит быдöннысö.

Миян боецез эз вермö терпитны, сідз охота вöли мунны атакаö.

— Чожа я?

Ме, кыз верми, лөнсьöти:

— Сетö срок, колö эд миян понда туйсö лöсьöтны. Перво артиллерияыс японскöй окопpezсö, батареязсö да укреплөннöй точкасö мöдралас, а сьбöрын пондас мунны пехота. Кыным буржык артиллерийскöй лöсьöтчöмыс, сыным етшажык лoасö миян жертваэз. Эдö вунötö, мый висьталис ёрт Ворошилов: победасö колö босьтны учötжык вирён, берегитны олансö быд красноармеецлис.

Но съёкыт лоньсьотны морттэсö, көр ния адззöны, что мян, советскöй му вылын сулалöны захватчик-кез. Дузгыльтчисö боецез, бергöтлисö чужöммезнысö, нем эзö байтö.

Кадыс вöли луншөр саяс ни, а канонадаыс сё эз лоньсьы. Шондйыс сотис, луныс вöли öддьөн жар.

Мийö куйлимö да кывзимö, кыз уötöны пушкаэз, кыз нюжвыла уннялöны лэбзян снаряддэз. И вдруг пондисö кывны виль шыэз. Лонь, но явственнöй уötöм кылимö мийö кысянькö ылисянь, северсянь.

— Самолёттэз! Ура, самолёттэз лэбзöны!

Ния мыччисисö горизонт вылын куйлан кымөррезсянь. Лэбзисö ния ровнöй стройөн, кыз парад вылö. Этö вöлисö могучöй, перыта лэбзян бомбардировщик-кез тшöтш истребительскöт да штурмовиккезкöт. Кынымкö минута бöрти ния лэбзисö ыджыт вылына вылын Заозёрнöй сопка весьтын ни.

Кытшöм моментö янсало бомбаыс, кыз сия лэбзё улö—казявны съёкыт. Но öддьөн бытшöма тыдалö, кытчö сия усьö: муыс да осколоккез лэбтисöны витсувда керку вылына.

Самолёттэз лэбзисö сопка весьтын—ötик группа, мöдик, куймöt, нельöt... уна ния вöлисö! И быд группа бöрын воздухын кылис гымалöм.

Самолёттэсö японецез панталисö зенитнöй батареязись яростнöй биөн. Но мян лётчиккез замечательнöй искусствоөн мунлисö лыйлöмыс увтись. Ния маскируйтчисö нёбоын öшалан кокнитик кымөрөккезын, сунгисьлисö улö, „масисьөн“ лэбтисьлисö öддьөн вылö и пощадатöг тыртлисö самурайесö бомбаэзөн. Сысьöрти, кытөн аркмылисö японскöй зениткаэзлөн вспышкаэз, лётчиккез тöдисö, кытөн сулалöны враглөн батареяз, и иньдötисö сэтчин главнöй ударсö.

Самолёттэз лэбзисö, бергötчисö бөр. Эта вöли первöй залёт. Бомбаэз потласян местаэзын сопка зелёнöй вевдөр вылас пондисö тыдавны съод пятноэз.

Вылына-вылына нёбоас лэбалисö мян геройез-лётчик-кез, но охота вöли нылö нюжötны ки да крепыта жмитны.

Пыр кежö менам юрын кольччис учötик истребитель, кöда нуötис бой быдса японскöй зенитнöй батареякöt:

Лётчыкыс, тыдало, адззіс маскіруйтём батарея, лэдзчысис лажмытыка да сетіс сы кузя пулемётіс очередь. Японецез сы кузя пондіс лыйлыны, да кытчө ни нылө!—истребительыс пуляөн лэбзыштіс вылө, сэсса бергөтчис, бора лэдзчысис да лыйліс батарея кузя.

Сідз керис унаись. Кыдз бытътө этө машинасө колдуйтисө—озө босьтө сійө японскөй снаряддэс. И вдруг ыджыт вылынасянь истребительыс пондіс лэдзчысны веськыта увланьө, „штопорөн“ бергалөмөн.

„Но,—думайта, сёдаки инмисө. Вийсяс миян ёртным“.

И японецез, тыдало, решитисө, что машинаас инмисө, и лыйсыны дугдісө. Му дынөдз кольччис не унажык кыкето метрся ни.

Вдруг истребительыс штопорсис петіс, пондіс кисьтны батареясө пулемётнөй биөн, сыбёрын нильдөтчис вылө.

Вежөртисө японецез, что советскөй лётчыкыс ны вылын сералө, да сёр ни вөлі.

Дыр эшө лыйліс эта истребительыс японскөй батареясө и заставитіс сійө сёдаки човны—луйліс сійө воздухсянь.

Жаль, что өнөдз ог төд, кызд эта лётчыкыслөн фамиллёс,—охота бы вөлі сыкөт төдсасыны.

Первөй лэбзьөм бёрын вөлі мөдік, куимөт, нельөт. Японецез полісө ни мыччавны ассиныс батареязнысө да эзө лыйсё.

Заозёрнөйсө воздухсяняс бомбардируйтисө кык час дырна. Но көр самолёттэз лэбзисө, ме төдса сопкасө эг төд. Сія вөлі пиньлалөм да стрөйдөм, мукөд месаэзын взрыввезнас вевдөрсяняс муыс вөлі кулыштөм, и тыдаліс куш керөсдор.

Японскөй укрепленнээз вөлісө аккуратнөя пырөтлөмөсь бомбаэөн вдоль и поперег. Кажитчө, мукөд воронкаэзас позис сайөвтны быдса батальон.

Ме думайта, өні Заозёрнөй сопка вылас год куим дырна нем оз понды быдмыны.

Штурм кежө лөсьөтчөмыс кончитчис. Муніс наступленнө пехота.

РОДИНАЛОН ФЛАГ

Мунимö мийö луннас вит часö. Заозёрной йыв ды-
нöдз вöли не унажык куим километра. Медбы мунны
этö расстоаяннёсö, миянлö ковсис дугдывтöг нуны бой
вит да джын час.

Воздушной да артиллерийской бомбардировка мөд-
раліс японской укрепленнёсö. Уна самурайез эта лу-
нö славатöг кончитісö ассиныс оланнысö. Но кольччи-
сö эшö вөрзёттöг японской батареяез, да и солдат-
тэз кольччисö уна. Медбы не сетны бөр сопкасö, япо-
нецез чукөртісö ыджытса-ыджыт вын: кынымкө дас-
тысяча морт.

Миян одзын куйліс неволькыт да вундалом лаж-
мытин, кöда вылын вöлісö нюррез, зыбуннэз да кузь ту-
рунөн вевттисьом лажмытик мысоккез.

Перво мунісö вына перытаветлан танккез. Нія ве-
сөтісö да мыччалісö миянлö туй.

Японецез танккесö панталісö артиллерийской бион.
Лыйлісö матісянь, прямой наводкаон. Но миянлісь
танкисттэсö эзö сувтötö.

Сьöкыт висьтасьны кыввезон, кытшом лөб сражен-
нө ыбыс, кöда кузя мунöны танккез.

Армияын ме не первой год, öтикö-мөдикö адззылі.
Но көр ыджытса-ыджыт боевой машинаез нетшкөвтчи-
сö одзлань, пондісö ныряйтны керөсоккез кузя, ас ув-
таныс водтöтны пуэз, резны öтмөдөрö нятьсö, меным
лоис страшно и гажа.

Танкисттэз уютжитісö Заозёрнойлісь покаттэсö,
паськөтісö öтмөдөрö укрепленнёсö да лыйлісö роз-
нитчись японцевез кузя. Японской пушка, кöда шедіс
гусеницаез увтö, танк сьöкытаыс увтын пыдына пы-
рис муас.

Уна славной подвигтез керисö эта лунö танкист-
тэз. Нылон командирныс, кöда нуötіс „головной“, одз-
ись машинасö, кайлыліс сэтшом крутиккез вылö, что
кажитчись—вот-вот танкыс берездасяс да ыскөвтас улö.

Танккес сьöрын муніс пехота. Рознитчисö ыб ку-
зяс и наступайтісö öтмөдөрсянь. Быд оськөвсö кері-
мө бойон. Перво мунöны пулемөттэзон, лыйлöны не-



Ме муні батальонкөт, көдә вешшиє самөй Хасан берг пөлөн.

приятельсө, заставитөны отступайтны. Сыбөрын штык-кесө одзлань керөмөн да гранатаэзөн писькөтчөны одзлань боецез и эшө ылөжык чапкөны самурайесө. Мунисө дасвит—кыкдас метр—бөра пондөны сибөтчыны дулемөттэз и бой мунө одзлань.

Ме муні батальонкөт, көда вешшис самөй Хасан берег пөлөн. Мукөдлайттяс тые пыдына пырө скалистөй берегас, и шогмөны заливвез, бухтаоккез. Мийө котөртим прикрытиесянь прикрытие дынө, часто косви ваын, вылына оружиенымөс лэбтөмөн.

Вөлі өддьөн жар, чужөм кузя лэдзчис ньылом. Японскөй артиллерия лыйлис быд боец кузя, көдө казясас.

Красноармеец Попов нөбөтис станковөй пулемөт. Вуджимө тыок. Вдруг Попов пондис чувствуйтны, что сылөн сапоггес сибдисө кизер нять пытшкө, одзлань вешшыны оз туй. Медбы петны зыбунсис, колис лэдзны киэзись пулемөтсө. Но Попов керис мөднөж, кыкис сапогсис өт кокесө, сыбөрын мөдсө и көмтөг котөртис одзлань. Локтыштис көчка дынөдз, сувтөтис ассис пулемөтсө и пондис киськавны биөн японскөй пехотасө!

Попов отсалөмөн частыс перыта мунис одзлань и босьтис колана пункт. Эта направлениын наступлениыс вөлі обеспечитөм. Ме иньдөтчи куимөт батальон дынө.

Вдруг адза—турун коласын куйлө пулемөтнөй лента, кыкто витдас патрон. Уськөтис кинкө. Босьти ме лентасө, котөрта одзлань.

Куимөт батальон мунис куш места кузя. Юррез вевдөрөт лэбзисө японскөй пуляез. Лэбзикас пуляыс ун нялө, сылө, кызд ыджыт ном. Быдлаын потласисө японскөй снаряддэз. Но батальон мунис одзлань.

Панталі ме пулемөтнөй ротась командирөс лейтенант Шустровөс. Дружитим мийө сыкөт важын ни, сия вөлі замечательнөй морт: весөв, храбрөй, преданнөй.

— Эй,— горөтла,— Шустров! То тэныт подарок— кыкто витдас патрон.

Босьтис Шустров лентасө, серөмтчис.

— Спасибо, пригөдитчас самурайезлө закуска вылө.

Только янсөтчим мийө сыкөт, кыла—ордчөн турун коласас мыйкө сьөкыта эд усис. Бергөтчи—Шустровыс абу. Горөтла:

— Шустров!

Шы оз сет. И вдруг ме адза: куйлө Шустровыс сук кузь турун пытшкыт кыминь, киас жмитөма пу-

лемётной лентасо. „Мый сия,—думайтa,— бисис повзис, дзбсиссьо?“

Мышкыртчи ме аслам ёрто весьтын, пулемётчик-кез командир Шустров весьтын, и казялі, что сия кулёма. Японскэй пуля инмёма сылө веськыта сьёлёма.

Сьёкыт меным лоис. Чувствуйта—ог вермы шы сетны. Чөвті Шустровые вылісь наган, босьті сылісь партбилет, документтэз, пункті аслам сумкао. Сьёбын сайкалём кисис кыски пулемётной лентасо да муні.

Төді ме, что японецез зубыта вештісясё менам друг лейтенант Шустров вир понда, миян родинаись уна верной зоннэз вир понда, кодна, кызд и сия, кулісё славной бойын.

Куимот батальоные наступайтіс одзлань.

Шустров дынісь босьтём лентасо сеті пулемётчик-кезлө.

Стройись петіс батальонлөн командир—сийо сьёкыта ранитісё кокас. Сы бөрсянь батальонын старшойнас вөлі ме. Бойын думайтны некөр, ме горөті:

— Кывзы менчим команда!

И эта минутасянь батальон понда ответственностье усис ме вылө.

Мийо сибөтчим Заозёрной покаттэз дыно. Рыт ни вөлі.

Первой батальонісь командиркөт Змеевкөт мийо баитчим, кин көдөрсянь пондас наступайтны. Ассим боецезёс ме нуөті шульгаланись флангсянь, сия—веськытланьсянь.

Проволочной загражденнэз миянөс эзө сувтөтө,— мийо вундалім нійо ножничезөн, орлалім гранатаэзөн и мунімө одзлань. Заозёрной дынас топ мийо кайим телеграфной провод вылө, кода му дынсяняс вөлі нюжөтөма лажмыта. Мыйлө? Право, ог төд. Можот, японецез думайтісё, что пемытінас боецез пондасо чужжисьлыны да усявны. Но ме просто тальччи сы вылө кокнам, и мийо этө „преградасо“ вуджимө.

Керөсыс вөлі крут, ковсис кузь турунөттис кайны водөмөн. Пемытінас позис видзчисьтөг кайны враг вылө нето случайнөя лыйлыны асланымиссез кузя. Мунім осторожнөя. Но эта жө пемытыс миянлө отсаліс,— японецез өштисё направләннөсө, кода кузя вештісө

батальонным, и чукортисо ассиныс главнoй выннысo мoдoрын.

И вот мийo чеччoвтимo йыв вылас. Дженыт штыковoй ударoн да гранатаэзoн японскoй частьсo чапкимo бoрлань, сопка покаттэз вылo.

— Вайo флагсo!— пондi ме горoтлыны.

Кысянькo мыччисис йыла конца кузь бедь. Ме кватитi флагсo да горoти:

— Да олас ёрт Сталин! Ура!

— Ура!— горoтисo боеццез.— Великoй Сталинлo ура!

Oвтышти кинам да флаг пусo мoрти муo. Заозёрнoй сопка весьтын, родимoй советскoй му весьтын, кoдo мийo мырддимo бoр, павьялис родиналoн алoй флаг.

Мийo горoтлим: „Ура! Да олас Сталин! Да олас боевoй нарком ёрт Ворошилов! Да олас советскoй Сталинскoй Конституция!“

Кыссис эта дасвит минута дырна, и некин эз лыйсы—не мийo, не японеццез. Самурайез, тыдалo, бoб-сялисo, oшисo сысянь, что вoлисo чапкoмoсь Заозёрнoй йыв вылись.

Но сетны сопкасo бойтoг охотаме нылoн эз вoв. Садясьoм бoрын ния уськoтчисo контратакo.

КЫК ДНЕВНИК

Бойыс кыссис кузьoй. Миян дынсянь японеццез вo-лисo нельдас метр ылына. Улисянь ния лыйсисo, шупкалисo гранатаэз. Эта ойo уна гoрд боеццез пуктисo юррезнысo. Лейтенант Глотов, кoдo мийo медбoрья собраннe вылын примитимo партияo кандидатoн, ассис взводсo нуoтис веськытланись фланг вылын. Сия инмис японскoй засада вылo и вoли смертельнoя ранитoм. Кулдикас Глотов горoтис:

— Взвод, одзлань!

Командасo примитис младшoй командир. Взвод му-нис одзлань.

Эз ешты лейтенант Глотов получитны партийнoй билетсo. Но пессис сия, кызд настоящoй большевик.

Кулис комсомолец Савкин, томыник бытшoм зонка, кoда неважын локтис миян дынo лейтенанттэз школаись.



Заозёрной сопка весьтын павьяліс родиналөи алөй флаг.

Сійö раницісö атака коста, сопка йыв вылас ни. Санитаррез сійö лэбтісö да пондісö нөбөтны перевязочной пунктö. Но сія чувствуйтіс, что кулө. Сія висьгаліс санитаррезлө:

— Меным өддён долыт, что менам ротаыс петис Заозёрной вылына выло... Висьталё, что ротаыс крепыта сулалис Заозёрнойсё дорйём понда...

Энө кыввесё висьталікё сія куліс.

Вийём ёрттэзным понда мийё вештім. Эна минута-эзё, көр гранатаэзлөн гымалёмыс да лыйсёмлөн тачётёмыс пөдтісё команда кыввесё, көр пемытінас сёкыт вөлі янсөтны чужёйез дынісь асланымиссесё, пондіс бытшөма тыдавы, кытшөм отвага выло способнойёсь Красной армиялөн отир, мымда находчивость да самообладаннё мыччаліс быд командир и красноармеец.

Коліс бытшөма видзөтны. Японскөй бандиттэз коласын вөлісё уна одза русскөй белогвардеецез. Эна прокленитём изменниккез лэдзчисисё величайшөй подлость выло. Миян часттез атакуйтисё японскөй окоп. Вдруг кысянькё голос, рочөн:

— Эдө лыйсё, асланымиссез! Да олас Конституция!

Мияниссез решитисё, что окопсё босьтөма мөдік взвод, көда наступайтисё флангсяяс. Сибөтчим матөжык. Вдруг окописе пондіс тачөтны пулемёт, кылісё код горөтлөммез.

Врагтез лысьтисё серавны меддонаыс вылын, мый эм быд советскөй гражданин сёлөмын. Эта понда эз вөв нылө некытшөм пощада.

Отік японскөй окопын мийё адззимё вит чочком офицерлісь труптез. Нийё вийис местааныс миян снарядөн. Отмөдөрын вөлісё чапкалөмөсь вина увтись да коньяк увтись простөй посудаэз.

Японскөй окоптез керөмөсь иятереснөя—ыджыт буква Т кодьөсь. Эта Т-лөн пельпоноккез—фронт кузя, а кококыс, кытөн петаніныс, нуөтө тылө. Офицерыс солдаттэзкөт цукалө не өтлаын, а саяс, петанін дынас, медбы, мыйись мый лоас, первөйөн уськөтчынны котөртны. А солдатыс окописе петны оз вермы: офицерыс сэтөн жө сійө лыяс.

Атака дырни керсё сідз жө: офицер наступайтись частын не одзас, а бөрляяс—вашөтлө солдаттэсё, а мыйись мый лоас, то вийлө нийё, кин пешліяс кольчынны.

Тыдало, офицерез неёддьон веритоны асланыс солдаттэз „самурайскöй духо“. Öшис эта духыс Красной армия первой ударез бöрын жö.

Бой бöрын мян территория вылын красноармеецез адззисö öтик японскöй унтер-офицерлисэ дневник. Этö дневниксö вуджötисö роч кыв вылö да печатайтисö мян боевöй газетан „Родина дорйöм вылö“. „Доблестной самурайыс“ аслас дневникын полö да горзö сідз, что лыддьötны противно. Любуйтчö асьныт:

„...Рота уськötчис бойö. Противник вуджис настулленнö мян позицияэз вылö... Бой мунö жестокöя. Öштамö отирсö öддьон уна. Мян ротаньсэ вийöммез 24 морт, сьöкыта ранитöммез 4-исэ унажык. Полöм петö...

Противниклөн сьöкыт снаряддэз дугдывтöг потласьöны мян позицияэз вылын... Мян весьтын мыччисисö противниклөн самолёттэз и чапкисö бомбаэз... Мян вылö уськötчисö сьöкыт бомбардировщиккез. Ния осьтисö ужасной бомбардировка...

Вылына вылö пондötисö атака противниклөн танккез.

Эта лунö вöли мыйкö ужасной. Дугдывтöг потласисö бомбаэз да снаряддэз. Мийö пыр öтмödөрö котрасимö. Сөйöм йылисэ эз туй думайтны. Август первой луншöрсянь, кык сутки да джын, нем эгö сөйö... Бойыс эз дугдыв. Сөйимö только огурецез да юимö гудыра ва. Талун луныс шондiа, но луннас шондiыс эз тыдав. Настроеннө нырыштана, чувствуйта ачымöс умöля. Сідз вокуйтны оз позь“.

Сравнитöм понда вайöта отрывок мöдик дневникисэ. Сийö гижис комсомолец, младшой командир ёрт Абраменко, кöдö вийисö Заозёрнойсö босьтикö. Пуляыс шуч мунис Абраменколисэ комсомольскöй билетсö да пырис сьöлöмас. То мыйөн пессис сьлөн благородной сьблöмыс:

„Талун атака. Чожажык бы. Колö пыр кежö велötны японскöй мерзавецесö. Ой, кызд уннялöны пуляэз! Неылын потис вражескöй снаряд. Менö тыртис песокөн. И сөжö ме ог пов. Абу полöм кувны родина понда, Сталин понда—молодөжлөн ай да друг понда.

То бора менам окоп весьтын шутнялõны пуляэз, бруствер вылісь летõны песоксõ да сёйсõ. Лыйлõ, палитõ, чорт тиянкõt! Миянõс одõ повзёõtõ. Меным мылякõ охота сывны эта бой йылісь, Хасан ты йылісь. Сэтшõм песняыс эшõ абу. А мый, ежели песнясõ думайтны аслым? Баитõны, кõр эм настроеннõ, сэк стиххез гижсõны кокнита. Пондыла...“

ЛАЗАРЕТЫН

Сопка йыв вылõ кайисõ кынымкõ пемыт фигура.

— Сулав!— горõtи ме.

— Мошляк,— видзис ответ кинлõнкõ лõнь, бытьтõ сибдõм голос,— лок татчõ!

Баитисьсõ тõдi ме не сразу. Пемытинын морт голоуыс вообще кажитчõ вежсьõмõн. Кõр сибõtчи матõжык, сэк тõдi, что этõ комбат Змеев.

— Веськытланьсянь жмит,— висьталіс сiя меным,— а менам боецезõ тасянь сõtасõ.

Аслам участок вылын ме бура иньдõtи пулемётнõй да ружейнõй би. Японецесõ тыртлiмõ гранатаэзõн, невнаõн вештiмõ бõрлань. Мунiмõ эшõ кыкдас вит метр. Медбы миянõс эз кытшõвтõ, ме решитi видзõtны, мый керсьõ шультгаланись фланг вылын, и котõртi сэтчин. Вдруг менõ каска кузяам бура эд сõtыштiс. Пешлi кинам кымõсõс—чувствуйта: мыйкõ ва да лякасõ. Ранитисõ я мый я? Юрõ оз вись, коккез вылам видзся. Сидзкõ, эшõ годнõй. Бертi ме асланымиссез дынõ; мунiмõ мийõ эшõ кынымкõ дас метр, самурайесõ покат кузяас вашõтам сё улõжык и улõжык.

Ыскõвтõ врагыс советскõй му вылісь, кыз дадõккез вылын. А мийõ бõрсяняс сийõ свинецõн киськаламõ—на память.

Японскõй граната потіс почти топ менам коккез дынын. Ме только кылі, кыз шульга пельпонам мыйкõ вынõн тойыштiс. Кынымкõ оськõв бõрын менам вынтõмсялісõ пидзõссэзõ, ме пукси из вылõ. Пешлi моросõс—ва. Шульга киõ оз дейстуйт. Боецез керисõ меным перевязка да мõдiсõ нõбõtны медицинскõй пунктõ, но ме чувствуйтi, что верма мунны ачим. Пукалыштi

эшб, шоччиси да жагони муні. Асыв кежас локті медицинскöй пункт дынөдз. Сэтчин меным керисб бур перевязка, пуксьотисö машинаб да ытисö тыловöй лазаретö.

Кызд ме сыбöрын тöдi, юр вылам менам былъ вö-лöма неыджыт рана. А морос вылам вöли умöльжык. Граната осколок пырöтöма öт лөгкоё, вörзбөтöма книсъ двигательнöй нерв и пыдына сибдöма ордлыэз увтам. Сiя сэтчин öнбдз пукалö. Врачез бантöны, что кыскыны сiйö оз и ков—сiдз позбö овны.

Лазаретын вдруг видзчисьтöм пантасьöм. Кöрталöм кна пырö полклөн командир майор Соленов (öни сiя полковник ни, а ме капитан). Сiйö ранитöмась ме бö-рын кынымкö час бöрти. И ранитöмыс менам вылö вачкисьö. Сiя кисö лэбтöма да аслас частьлö горötöм: „Одзлань!“ А сэтөн пуляыс и инмöма сылö пельпонас, вörзбөтöма нервсö да лопатка увтötтяс мунöма шуч.

Сiдз мийö ськöt öтлаын и веськötчим. Лазаретын олимö öтик лун, сыбöрын мянöс пуксьотисö самолётö, иньдисö Ворошилов городö.

А месяц бöрти кыкисö Москваö, клиникаö.

Веськаламö мийö бытшöма и чожа бöра вермам кианым видзны оружие.

Только öтик йылисъ ме жатейта: бойсис петі одз. Только газетаэз сьöрти да татчö вовлисъ ёрттэз висьтасьöм сьöрти тöда, что японецез эшö кынымкö лун уськötчывлисö мян Заозёрнöй да Безымяннöй сопкаэз вылö, но эта понда нiя медбöрын ёна вештисисö.

Заозёрнöй сопка йыв вылын павьялö пуляэзөн пискötлöм, граната осколокөн пырötöм гöрд флаг, кöдö мийö сувтötимö сiя ойö. И лунөн и ойөн берегитöны сiйö боецез. Нiя тöдöны: кытчöдз акулаыс ловья, сiйö пötтöдз он верд. Нiя любöй минутаö вились готвöсь пантавны враглисъ ударсö.

Сiйөн и ме тэрмасыс чожажык веськавны.

ВЕЛИЧАЙШÖЙ НАГРАДА

Октябрь 25 лунö одз асывнас пырö ме дынö пала-таас врач.

Видзётө, шы оз сет й шыннялө. Й ме видзөта дивуйтчөмөн.

— Поздравляйта тэнө,—шубө.

— Мыйөн?—юала.

— Советскöй Союзись Герой званнөөн да Ленин орденөн.

Ме өши, бапта:

— Нем ог төд.

— Зато ме төда.

И сетө меным газета. А сэтчин СССР Верховнöй Совет Президиумлөн указ. Кыкдас квать командир, политработник, врач да красноармеец наградитөмөсь вышнöй наградаөн—Советскöй Союз Герой званнөөн. Ны коласын—менам фамиллө.

Мый сэки мекөт керсие, гижны ог понды. Быд морт и сідз вежөртас.

Көр ме ойнас кольччи өтнам, меным охота лоис бөрйисьны сын, мый мекөт лоис. Ме уськөті төдвылам олөмлись быдөс годдэсө.

Кыкдас годөдз оли ме деревняын. Айө батрачитіс. Меным тожө ковсис уджавны кулаккес ордын. Сыбөрын пыри комсомолө. А 1929 годся арө менө босьтісө армияө.

Иньдісө менө частьө Дальнөй Востокө—сія самөй частьө, кытөн ме состоита и өні.

Дальнөй Востокын оли ме өкмыс год. Сэтчин ме пыри большевиккес партияө. Армияыс ме понда вөлі и семьяөн, и университетөн, и боевөй школаөн. Граница вылын куталі шпионнэзөс-контрабандисттэзөс, готовиті снайперрезөс, изучайті общеобразовательнөй предметтэз.

Лои ме лейтенантөн. Партийнөй организация доверитіс меным ответственной удж—бөрйис полкись партбюро секретарьөн.

И ме юалі ассим:

„Иван Мошляк, кинлө тэ обязан быдөсөн, мый эм тэнат оланын бурыс да югытыс? Аслыт? Аслат кытшөмкө особеннөй таланттэзлө? Али удачалө?—Нет, тэ обязан партиялө. Тэ обязан Сталинлө. Тэ Москва дынсяняс олін кынымкө тысяча километр ылына, тэ

некөр эн адззыв Сталинёс, а сія, натътё, эз кыв тэнчит нимтё. Но быдёс аслат олём дырни тэ чувствуйтін могучой, любитісь сталинскёй кисё, кёда тэнё нуотіс одзлань, кёда отсавліс тэныт. Тэнё быдтісё партия да Сталин. То мыйын тэнат счастьеыт. Кёбы эз лореволюция—ветлётін бы тэ аслат олікё йёз мёссез съёрын да вачкывлін плетьён“.

Дыр ме эг вермы ланьтны эта ойё.

Ноябрь 4 лунё корисё мяннёс Кремльё. Сэтчин ме панталі уна тёдса хасановецезёс, кёднё тожё наградитісё. Миян дынё петіс ёрт Калинин. Быдённыс пондісё аплодируйтны. Менам ёт киё кёртёт вылын, оз действуйт, дак ме,—можот эта серём петкётас,—здоровой кинам пидзёс кузяам понді вартны. Некеыз эг вермы видзёсны.

Ёрт Калинин сеталис мянлё орденнэз да грамота—эз, приветствуйтіс мяннёс.

Менё тшёктісё быдёс награждённёйез нимсянь видзны ответ. Баиті ме дженыта, волнуйтчи. Только ме висьталі, что Сталин нимён босьтім Заозёрнойсё, сы нимён жё пондам побеждайтны быдёс одзланься бойезы.

Сталинсё да Ворошиловсё ме адззылі парад вылын Октябрь кыкдас ётікёт годовщина лунё. А мёд лунас менё да ёрт Соленовёс ббра корисё Кремльё. Партиялён да правительстволён руководителлез примитісё парадын участвуйтіссесё.

Ёрт Ворошилов Хасанісь геройез понда висьталіс тост.

Ме сибётчи пызан дынё, кёда сайын пукалісё ёрт Сталин да сылён соратниккез. Ме сулалі ордчён советскёй народ вождькёт, приветствуйті сійё. И Сталин видзис меным ответсё шоныт, отеческёй шиннёвтомён.

Эта ме понда вёлі величайшой наградаён.

Перевод *З. А. Тетюсовой*
Редактор *Н. В. Попов*
Техредактор *Ф. С. Яркова*
Корректор *Е. Д. Кривошекова*

Сдано в набор 15/XI-40 г.
Подписано в печать 15/XII-40 г.
Формат бумаги 62 X 94 $\frac{1}{16}$.
Печатных листов 2 $\frac{1}{2}$.
Авторских листов 1,7.
В 1 печат. листе 32000 тип. зн.

ЛБ 22828. Заказ № 1798. Тираж 2000.

г. Кудымкар. Типография
Коми-пермяцкого Окргосиздата